

DODATAK

GRAČANIČKI GLASNIK
časopis za kulturnu
historiju

Broj 36, godina XVIII
novembar, 2013.

© Monos 2013

Glosar novih autora

Velid Beganović (pseudonim: V. B. Borjen), prof. engl. književnosti (doktorand), rođen je 1987. godine u Gračanici, gdje završava osnovnu školu, te gimnaziju. Studij engleskog jezika i književnosti završava u Tuzli 2009. godine, a već naredne, 2010. kao stipendista Centralnoeuropskog univerziteta u Budimpešti i magistarski studij iz oblasti rodni studija. Kao dobitnik prestižne stipendije Europske komisije – *Erasmus Mundus*, nalazi se na doktorskim studijama u Češkoj, na programu “Književnosti na engleskom jeziku”. Dobitnik je nagrade *Mak Dizdar*, koju godišnje dodjeljuje *Slovo Gorčina* za najbolju neobjavljenu zbirku pjesama na b/h/s/c jezicima. Pobjednička zbirka, *Priručnik za levitiranje*, objavljena je u maju 2013. i promovisana u nekoliko bosanskohercegovačkih gradova. Poezija, eseji i kratke priče objavljivani su mu do sada u tuzlanskom *Frontu slobode*, subotičkom mađarsko-srpskom kulturalnom časopisu *Symposion*, mađarskom *Uj-Symposion*, te njujorškom *Hypothetical Review*. Redovno objavljuje i na nekoliko regionalnih internet portala. Inače, piše na bosanskom i engleskom. Završava rad na svom prvom romanu na engleskom jeziku.

Gordana Mehmedović, dizajnerica, rođena je 5. 7. 1969. u Sarajevu, gdje je završila Srednju školu primijenjenih umjetnosti. Tokom školovanja nagrađena je na konkursu mladih kreatora u Beogradu. Završila je Tekstilno-tehnološki fakultet u Zagrebu na Odsjeku dizajna, tekstila i odjeće. Tokom studija učestvovala je na nekoliko izložbi u Hrvatskoj i regionu. Stalni je član Udruženja likovnih umjetnika u Tuzli. U okviru Udruženja učestvovala je na više kolektivnih izložbi. Omiljena tehnika kojom slika je akvarel, ali takođe slika u ulju, akrilu, pastelu i tušu. Druge umjetničke sklonosti izražava dizajnom enterijera, oslikavanjem zidova i izradom mozaika od raznih materijala kao što su staklo, kamen i drugi materijali preuzeti iz prirode. Živi i radi u Gračanici. - str. 184 u glosaru na kraju teksta o Gordani Mehmedović stavi u zagradu (nekoliko slika i crteža Gordane Mehmedović objavljujemo na stranicama ovog broja našeg časopisa.)

Ago Mujkanović, profesor historije, rođen 1982. godine u Vučkovcima, općina Gradačac. Osnovnu školu završio u Vučkovcima i Srnicama Donjim, srednju školu u Srebreniku, a studij historije na Filozofskom fakultetu u Tuzli. Živi i radi u Tešnju. Aktivno sarađuje u nevladinom sektoru, na realizaciji različitih projekata iz oblasti kulture, ekologije i naslijeđa.

DODATAK